

## Риёзус солиҳийн шарҳи / Риёзус солиҳийн шарҳи / 635-ҳадис

635 - وَعَنِ الصَّعْبِ بْنِ جَتَّامَةَ رَضِيَ اللَّهُ عَنْهُ قَالَ: أَهْدَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ حِمَاراً وَحْشِيَّاً، فَرَدَّهُ عَلَيَّ، فَلَمَّا رَأَى مَا فِي وَجْهِي قَالَ: «إِنَّا لَمْ نُرْدِدْهُ عَلَيْكَ إِلَّا أَنَا حُرُمٌ». مُتَّقِقٌ عَلَيْهِ [خ]. [1193، م 1825]

635. Саъб ибн Жассома розияллоху анхудан ривоят қилинади:

Расулуллоҳ соллаллоҳу алайҳи васалламга ёввойи эшак ҳадя қилсам, у зот уни менга қайтариб бердилар. Юзимдаги хафаликни күргач: «**Агар эҳромда бўлмаганимизда, уни сенга қайтармас эдим**», дедилар.

Муттафақун алайҳ.

**Шарҳ:** Саъб ибн Жассома розияллоху анху Набий соллаллоҳу алайҳи васалламга у зот эҳромдалиқ чоғларида ёввойи эшакни ҳадя қилган экан. Шунда Расулуллоҳ алайҳиссалом эҳромдалигини айтиб, бу ҳадяни олишдан узрли эканини тушунтирган эканлар.

Расулуллоҳ с.а.в. бу ишлари билан бирор кишини кўнглини оғритмасликка ҳаракат қилишлари билиб олинади.

Қадимда арабларда «ал-химаарул ваҳший», яъни ёввойи эшак деб аталган бу жонивор сут эмизувчилар оиласига мансуб бўлиб, кийикка ўхшаш, лекин шохсиз, оқ тусли, бўғзи қора ов ҳайвони бўлган. Тадқиқотчиларнинг айтишича, ҳозир бу ҳайвон йўқолиб кетган.

Манба: [hadis.islom.uz](http://hadis.islom.uz)



